


Escritor Robert Reeberg a presenta su buki

"E mago di Sero Teishi" na Scol Caiquetio

ORANJESTAD (AAN) -- Recientemente a tuma luga e presentacion di e buki nobo "E mago di Sero Teishi" di e autor conoci Robert Reeberg. E presentacion a tuma luga na Scol Caiquetio, unda sr. Reeberg ta traha. Na un manera masha special sr. Reeberg a presenta su buki nobo. Prome el a conta e alumnonan y e maestronan

cu door di algun contratem-
po su buki no ta sali ainda. E
mester a sali prome cu e si-
man di buki cu a tuma luga
poco siman atras. E buki ta
trata di un mucha cu a pres-
encia e actuacion di un mago
na su school y e ta pensa cu
lo masha interesante si e por
a haci magia. E ta bay bib-
lioteca na Playa pa busca
un buki pa siña con pa haci



magia y despues ta invita su
compañeronan di klas pa bin
su cas pa un presentacion di
magia.

Mientras cu sr. Reeberg ta-
bata conta su scol cu su buki
no a yega ainda, diripiente
a aparece un mago. E mago
tabata e mago di Sabana Ba-
sora, cu a tende cu sr. Ree-
berg su buki no tabata cla y a
bin school pa haci solamente
un triki, esta pa e buki di sr.
Reeberg aparece.

Despues cu e mago a mostra
e publico cu e caha magico cu
el a bin cu ne tabata bashi, el
a bisa e palabranan magico y
a saca misteriosamente e buki
nobo di sr. Reeberg. Mesora
cu un explosion di confetti sr.
Reeberg y e mago di Sabana
Basora a batisa e buki nobo.
Awo e buki "E mago di Sero
Teishi" ta obtenibel na e li-
brerianan popular di Aruba.
Pabien na sr. Robert Reeberg
cu e logro aki.